

六門教授習定論一卷

命

無著菩薩本世親菩薩釋
三藏法師義淨奉 制譯

今欲利益一切有情令習世定及出世定速能捨離諸煩惱故述此方便頌曰

求脫者積集於住勤修習得三圓滿已
有依修定人

釋曰此初一頌惣標六門言求脫者謂是求解脫人積集者謂能積集勝行資糧於住勤修習者於所緣處令心善住名之為定由不散亂不動搖故問云何修習謂得三圓滿已有依修定人圓滿有三一師資圓滿二所緣圓滿三作意圓滿有依謂是三定一有尋有伺定二無尋唯伺定三無尋無伺定修定人者謂能修習奢摩他毗鉢舍那若人能於解脫起願樂心復曾積集解脫資糧心依於定有師資等三而為依止有依修習由習定故能獲世間諸福及以殊勝圓滿之果先作如是安立次第故名惣標

頌曰

於三乘樂脫名求解脫人二種障全除
斯名為解脫應知執受識是二障體性
惑種一切種由能縛二人已除煩惱障
習氣未盡除此謂聲聞乘餘唯佛能斷
若彼惑雖無作儀如有惑是習氣前生
若除便異此

釋曰此之四頌釋求解脫者謂於聲聞乘等有差別故於三乘中心樂解脫名求解脫云何解脫二種障全除斯名為解脫何者是二障障之名脫應知執受識是二障體性識者即是阿賴耶識執受者是依止義謂是煩惱所知二障體性此復云何惑種即是煩惱障自性一切種即是所知障自性又一切種者即是二障種子能縛二人煩惱障種子能縛聲聞一切種子能縛菩薩由與聲聞菩薩為繫縛故云何此二解脫差別謂聲聞人習氣未除斷煩惱障而證解脫唯佛世尊能惣除故云何習氣彼惑雖無所作形儀如有惑者是名習氣此中應言若惑雖無令彼作相如有惑者

六門教授論 第三張 命

此言作儀如有惑者即是於因說果名故彼謂聲聞獨覺未知此是誰之習氣謂是前生所有串習之事尚有餘氣今雖惑盡所為相狀似染而儀名為習氣若能除斷與此不同應云若彼習皆無不作儀如惑頌曰

種植諸善根無疑除熱惱於法流清淨
是名為積集能持樂聽法善除其二見
但聞心喜足是四事應知

釋曰此之二頌釋積集義如經中說此人先應修習多聞復聽正法諸見熱惱已正蠲除心之蓋纏能正降伏依此文義故說初頌云何積集所有善根謂能持正法故以此為先令其信等善法增故云何無疑謂樂聽法故由知法故已生未生所有疑惑悉能除滅云何除熱惱謂除二見故二見云何一者欲令他識知見二者自起高舉見謂作是念如何令他得知我是具德之人是則名為令他識見依此見故自欲高舉名自高見此二能令心焦熱故名為熱惱云何法流清淨謂能除遣但聞法時心生喜足

六門教授論 第三張 命

故上之除字派入於此於法派清淨者謂聽法時心無散亂相續而派心清淨故蓋經止息若聽法無厭更能進思勤修不息方得名為法派清淨當知此據聞思修位如次應知

次有十六頌釋於住勤修習初一惣標餘是別釋頌曰
所緣及自體差別并作意 心住資糧修定出離果

言所緣者有其三種
外上及以內此三所緣生 應知住有三自體心無亂
釋曰言三種者一外緣二上緣三內緣外緣謂白骨等觀所現影像是初學境界上緣謂未至定緣靜等相內緣謂從其意言所現之相為所緣境自體謂是心無亂相名之為住心無亂者於外等處三種緣時隨其所緣心無動亂頌曰
第一住相應定心者能見於境無移念相續是明人 第二住相應 默離心寂靜專意无移念 相續是明人 第三住相應於前境凝住 定意無移念 相續是明人

六門教授論 第四張 命

釋曰此之三頌如其次第配外上內言於境無移念者謂於餘境心無散亂故名無移相續者堅守持心令不斷絕言明人者或因自思或從他教於靜慮法而起加行是謂明人應知如次是隨法行及隨信行種性言默離心寂靜專意無移念者謂於其境生默離心前唯觀境未能生默今時專注心生默離而不散動於前境凝住者謂於意言所現之境緣此境時其心凝定故去定意無移念相續是明人頌曰

堅執及正派 并覆審其意 轉得心歡喜
對治品生時 惑生能息除 加行常無間
能行任運道 不散九應知
釋曰於彼住中差別有九謂取初住正念住覆審住後別住調柔住寂靜住降伏住功用住任運住
此等並依阿笈摩經隨句次第而為修習若於取初學緣境時其心堅執名取初住次於後時令其正念派注不斷名正念住若依託此有亂心生更覆審察緣境而住名為覆審住次

六門教授論 第五張 命

於後時轉得差別名後別住次於後時對治生起心得自在生歡喜時名請柔住於此喜愛以無愛心對治生時無所愛樂其心安靜名寂靜住次於後時所有已生未生重障煩惱為降伏故名降伏住次於後時以加行心於所緣境無間隨轉一緣而住名為功用住次於後時於所緣境心無加行任運隨流無間入定緣串習道名任運住此之九種心不流散名之為住應知以此不散之言與堅執等皆相配屬頌曰

勵力并有隙 有用及無用 此中一六二
四作意應知 謂外內邪緣 塵重并作意
此亂心有五 與定者相違 於彼住心緣
不靜外散亂 掉沉心味著 內散亂應知
應識邪緣相 謂思親族等 生二種我執
是名塵重亂 見前境分明 分別觀其相
是作意散亂 異斯唯念心 於作意亂中
復有其亂相 於乘及靜慮 初二應除遣
釋曰應知作意有其四種一勵力荷負作意二有間荷負作意三有功用荷負作意四無功用荷負作意此中

六門教授論 第六張 命

堅執不散是勵力荷負作意初用功力而荷負故次正派等六種不散是有間荷負作意中間數有乱心起故無間加行是有功用行荷負作意入串習道是無功用行荷負作意如是攝已謂一六二應知即是四種作意又心散乱有其五種一外心散乱二内心散乱三邪緣心散乱四廢重心散乱五作意心散乱外心散乱者於住心境起緣之時遂緣餘事心流散故内心散乱者謂掉舉等三於所緣境中間乱起故邪緣散乱者於修定時諸有尋求親識等事而生願戀廢重心散乱者有二我執今其心乱於修定時有此二事謂益及損若身安隱名之為益身體羸弱即是其損或去我今得樂或去我今有苦或去是我之樂或去是我之苦此中我者是執取義言作意心散乱者有其三種於所緣相分明而住是思察性或從此乘更趣餘乘或從此定更趣餘定謂極分別思察定時遂使心乱名心散乱異斯唯念心者此能對治初作

六門教授論 第七張 命

意散乱由不分別而緣於境但有念心此明成就心不忘念此三散乱初二應捨第三由是從定趣定希勝上故亦非是過頌曰
住戒戒清淨 是資糧住處 善護諸根等
四淨因應知 正行於境界 與所依相扶
於善事勤修 能除諸過失 寂初得作意
次得世間淨 更增出世住 三定捨三界
釋曰住資糧者謂戒即是無邊功德所依止處必先住戒戒行清淨無有缺犯若未戒淨有四種因一善護諸根二飲食知量三初夜後夜能自警覺與定相應四於四威儀中正念而住何故善護諸根等令戒清淨由正行於境與所依相扶善事勤修能除於過初因即是於所行境行清淨故二於所依身共相扶順於受飲食離多少故三於善事發起精勤故四能除過失進止威儀善用心故由此四因戒得清淨如是應知由三種定得三出離緣外境時得作意住緣上境時得世清淨緣内心時得出世淨住者即是永得出離必趣涅槃更不退

六門教授論 第八張 命

轉已釋於住勤修習頌曰
多聞及見諦 善說有慈悲 常生歡喜心
此人堪教定 盡其所有事 如所有而說
善解所知境 斯名善教人 由聞生意言
說為寂滅因 名寂因作意 是謂善圓滿
釋曰圓滿有三一師資圓滿二所緣圓滿三作意圓滿此中初頌說師資圓滿意顯其人善教圓滿證悟圓滿善語圓滿無染心圓滿相續說法加行圓滿此顯教授師眾德圓滿由此師故得聞正法有所證悟次明所緣圓滿說第二頌盡所有事如事而說善所知境名為善說此明師資能說諸事窮盡无悞故名所緣圓滿次明作意圓滿說第三頌此顯以聞為因所起意言能與聖道涅槃為正因故緣此意言所有作意皆得圓滿此中因言顯聞即是意言之因言寂滅者即是涅槃及以道諦自體寂滅及能趣滅故惣言之寂因作意者明此作意緣寂滅因何謂所緣了法無性如是緣時即是其因亦是寂滅故此作意名為寂因是一體釋又緣此作意

六門教授論 第九張 命

亦名寂因此別句釋頌曰准如是釋應者非正翻也

謂尋求意言此後應細察意言無即定靜慮相有三無異緣無相心緣字而住此是心寂處說名奢摩他觀彼種種境名毗鉢舍那復是一瑜伽名一二分定應重障見障應知二種定能為此對治作長善方便

釋曰次明有依諸修定者必有依託謂依三定說尋求等言尋求者顯是有尋既言有尋准知有伺言細察者顯無尋唯伺意言無者欲顯無尋无伺尋伺皆以意言為性此據奢摩他法明其定義說無異緣等此明無差異義但緣其字而心得住名無異緣亦名無相但緣其字於觀義相所有作意非彼相故此住名奢摩他奢摩是寂止義他是處義非獨奢摩得盡於事謂據其心寂止之處心得疑住依止於定此定即是疑心住處故名奢摩他異此便無次據毗鉢舍那法明其定義說次一項謂依多境名為眾觀所言彼者謂與彼二俱相屬者

六門教授論 第十張 命

即奢摩他及所緣字是依奢摩他得

毗鉢舍那依於字處所有諸義起諸觀故於寂止處所有眾義仗於字謂緣眾義而起觀察名為眾觀名一二分定者或時但有寂處而無眾觀或有眾觀而非寂處或時俱有應知即是止觀雙運又奢摩他毗鉢舍那有二種障謂應重障及見障應知二定是此對治如次應配何故此二名長善方便能長善法之方便故云何令方便法得善清淨耶頌曰

此清淨應知謂修三種相寂止策舉捨隨次第應知若心沉沒於妙事起緣若掉恐舉生厭背令除滅遠離於沉掉其心住於捨無功任運流恒修三種相定者修三相不獨偏修一為遮沉等失復為淨其心

釋曰為答前問求淨定者修三種相去何為三謂止舉捨復去何修隨次第應知隨其或障生起之時應次修習在於何時復修何相且辯策舉相若心沉沒定者修三相如下當知若心沉沒可修策舉相何者是耶於

六門教授論 第十張 命

妙事起緣令心喜為相又寂止相者

若心掉舉或恐掉舉應修寂處此去何修厭背令除滅於所緣境極生厭惡於自內心令過止息捨相者謂離沉掉於何心中謂心住捨此捨相者即是無功任運流恒修三種相如是次第修三相時諸習定者得清淨相又奢摩他等即是定者於此三相不獨修一何以故為遮沉等失復為淨其心若但修止內心沉沒既沉沒時便應策舉若因策舉心掉散者觀不淨境令生厭離於此捨相正修習時名為正定能盡有漏由此遂令心極清淨應知此中皆是隨順正經文句如理應思頌曰

出離并愛樂正住有堪能此障惑皆除定者心清淨
釋曰此明清淨之益依去塵經說佛告諸苾芻若人欲求內心淨時有惑障現前不能除滅欲斷除者先於不善業道勿造大過息罪惡見而求出家希求出離若處中煩惱欲瞋害意起惡尋思障勝愛樂能除此障說愛

六門教授論 第十張 命

樂言若有微細眷屬尋思世間尋思不死尋思障其正住對治此故說正住言若有功用方入定者此定即非堪任之性若能除此顯有堪任能除於惑說堪能言此顯淨定之人得四種勝益云何修定人果頌曰
於此定門中 所說正修習 俗定皆明了 亦知出世定

此頌意顯修習奢摩他毗鉢舍那者獲現果故若人能依所說定相修習之時得諸世間勝果圓滿及出世界如前已說

問曰如上所說欲明何事答曰

顯意樂依處 本依及正依 世間定圓滿 并了於出世

釋曰略說義周為會前事故說斯頌如寂初去求脫者為顯意樂圓滿積集者依處圓滿此明有心修定必須依託積集資糧故於住勤修習者顯本依圓滿如經中說佛告諸苾芻汝等先當依定能盡有漏是我所說若欲求出生死海者離於正定無別方便得三圓滿者顯正依圓滿明師資

六門教授論 第十三張 命

承稟決定可依有依修定人者此顯修習圓滿諸有智者如前所說遠離放逸正修行時世間諸定悉皆圓滿及出世間咸能證悟顯得果圓滿

六門教授習定論一卷

癸卯歲高麗國大藏都監奉

勅雕造

六門教授論 第十三張 命

六門教授習定論一卷

校勘記

- 一 底本，麗藏本。
- 一 一〇一頁上一行「一卷」，資作夾註「七」，積、善、南、徑、清無。
- 一 一〇一頁上三行「三藏」，諸本（不含石，下同。）作「唐三藏」。
- 一 一〇一頁中二行第五字「脫」，積、善、南、徑、清作「勝」。
- 一 一〇一頁中四行第一二字「除」，積、善、南、徑、清作「降」。
- 一 一〇一頁中一行末字「脫」，諸本作「解脫」。
- 一 一〇一頁下三行「串習」，諸本作「慣習」，下同。
- 一 一〇一頁中三行「持心」，諸本作「於心」。
- 一 一〇一頁中一五行第三字「任」，積作「住」。
- 一 一〇一頁下二行第一一字「歡」，資、積、善、徑作「觀」。

一〇一頁下三行首字「謫」，諸本作「調」。

一〇一頁下一〇行第二字「任」，**善**作「住」。

一〇一二頁上末行第一〇字「能」，諸本作「餘」。

一〇一二頁中六行「相扶」，諸本作「相符」，下同。

一〇一二頁中八行「三界」，諸本作「三果」。

一〇一二頁中二二行第一三字「淨」，諸本作「清淨」。

一〇一三頁下八行第五字「等」，諸本作「等次第」。

一〇一三頁下一一行第二字「應」，諸本作「因」。

一〇一四頁中五行「一卷」，**資**、**蹟**、**善**作「三十七伽他并釋一卷」，且於其後有夾註「七」；**南**作「三十

七伽他并釋」；**徑**、**清**無。